

來鳳縣志卷七

建置志

城池

來鳳西隣巴蜀南接苗疆萬山叢雜最爲緊要昔七土司各據崗谷築砦自固未有城隍土司以前遐哉勿可考已

國朝乾隆元年改土歸流初設縣治於故散毛司之桐子園卽勘定城基周三里四分嗣因土性鬆浮詳議停修乾隆三十二年知縣楊公澤清詳請估建城垣需銀貳

來鳳縣志

卷之七

建置志

城池

一

萬伍千兩有奇未經請發帑藏輒止嘉慶二年知縣康公又民首捐廉俸督同紳耆捐建土城一座門四東曰廣仁西曰崇義南曰敦化北曰承恩繞城鑿池引老母溝水灌入歷經風雨坍塌幾盡惟四門城樓僅存

嘉慶七年知縣朱公鳴鳳奉文議建石城旋以改建石城不易爲力土性鬆浮難期鞏固不敢以偏僻彈丸重糜帑項復止

嘉慶八年正月聞有龍山苗民煽惑土著之謠訛言曰起訓導蕭公琴集紳耆於明倫堂首捐清俸議建石城

公請於縣令朱公鳴鳳亦捐廉倡率邑紳王廷弼張鴻  
範覃協中龍世清向興校等互相勸勉力肩其事議用  
外石內土遂於嘉慶八年三月啟工九年三月歲事自  
東門至南門計三百七十弓長一百八十五丈自南門  
至西門計二百三十六弓長一百一十八丈自西門至  
北門計二百八十六弓長一百四十三丈自北門至東  
門計二百九十六弓長一百四十八丈共計一千一百  
八十八弓長五百九十四丈計三里三分高一丈二尺  
脚厚一丈四尺深五尺面厚七尺連女牆共高一丈七  
尺並開城濠周圍長六百二丈寬二丈四尺深二丈用  
銀萬六千兩有奇於是金剛壯麗翼角飛翔池深城固  
人情安堵矣

道光二十九年知縣林士端以縣城修建已歷四十餘  
年坍塌又將殆盡又議重建石城並以濠水灌注浸壞  
城脚議將城濠填平督同邑紳任黃梅縣訓導張光杰  
舉人何誠立直隸州州判何遠椿生員周在中張浩職  
員洪安瀾民人張思謙等仿照前式另伐新石通體重  
修張元杰獨力捐修南城遂於道光三十年秋啟工至

咸豐元年冬告竣城濠亦經填平費用較多而堅固勝前所有在事出力官紳及捐貲人等 奏請議叙有差咸豐十年知縣王公頌三督同紳士張光杰補修城西北城身女牆

咸豐十一年九月髮匪逼近知縣王公頌三督開城濠工甫動而城陷

同治元年正月初九日賊平四圍城堞多被攻毀二年冬知縣任公廷槐督同善後局首士補修並議開浚城濠工未竣任公以卓異調 **勦** 水林公瑄接署照舊修浚

來鳳縣志

卷之七

建置志

城池

三

公署

知縣署

乾隆四年建照牆一座頭門三間左右爲兩班房儀門三間東西爲角門

聖諭坊一座在儀門內科房東西各四間大堂三間庫房東

西各一間在大堂後宅門前宅門一棟左右廂房四間二堂一座曰自新堂廂房東西各三間東書房五間曰竹梧書屋屋前有亭曰政餘亭道光甲辰年縣令陳公炳常建亭前有池池東爲小園中有茅亭一座西書房

五間三堂三間東西廂房各三間廚房二間馬房二間儀門左爲土地祠儀門右爲禁獄獄神祠一所在獄內內獄三間外監二間嘉慶元年白匪之變燬於賊二年重建咸豐十一年髮逆陷城復燬僅存頭門儀門大堂廚房同治二年重建西書房五間餘未修竣

訓導署 在學宮左

乾隆四年建明倫堂一座三間三十六年設學始建學署照牆一座頭門三間大堂一座三間內署三間左右廂房各二間廚房一間嘉慶元年燬於賊二年重建至

來鳳縣志

卷之七

建置志

公署

四

咸豐四年傾壞過半訓導閔洪率合學重修咸豐十一年復燬於髮逆之亂現未修復

縣丞署 在大旺司

乾隆四年建五十二年缺裁署廢

巡檢署 在卯崗

乾隆四年建照牆一座頭門三間儀門三間大堂三間二堂三間東西門房各三間書房一間三堂三間廚房二間

典史署 在縣署常平倉右

乾隆四年建照牆一座頭門三間儀門三間大堂三間二堂三間三堂三間廚房二間馬房二間乾隆十九年典史張成堧增修西院書房南北相對各三間嘉慶元年燬於賊二年重建咸豐十一年髮逆陷城復燬僅存頭門大堂及二堂之半同治三四年重修  
城守千總署 在西門大街  
乾隆四年建照牆一座衙署一座通計九間營房五十年演武廳一座嘉慶元年燬於賊二年重建咸豐十一年復燬於髮逆之亂同治四年重建

來鳳縣志

卷之七

建置志

公署

五

把總署

在大旺司

乾隆四年建衙署九間營房三十間演武廳一座咸豐十一年燬於髮逆之亂僅存頭門一間同治二年重修  
外委署 在涼水井

乾隆四年建官房七間營房十二間久圯

考棚

邑向無考棚俱就縣署扁試道光三十年知縣林公士端如於縣署左側朱文公祠前左右建號屋各五間以爲東西文場

養濟院 在西門外

乾隆十八年建院屋一座置孤貧八口名額按口給糧外來流丐亦許投足

申明亭

乾隆十一年建縣西一座大旺司一座卯崙司一座久圮

視履亭 在東門外俗所謂接官亭

乾隆二十一年建知縣林公翼池記曰邑東關爲通郡大道上憲巡歷從此入境冠蓋往來率多由是街衢民居列屋郭外田畝沿溪慮無一席之地可爲迎候之所而

來鳳縣志

卷之七

建置志

街巷

六

行李往來亦無可少憇其下乃傍溪覓隙地縱橫計二丈餘飭工庀材構後室前亭一座亭翼道上坐西朝東制取樸固不事麗飾以六月望後興工七月望後告竣詩曰周道如砥其直如矢君子所履小人所視爰額曰視履亭今廢

街巷

彩耀街正途街在東門內鳳鳴街在東門外營房街在西門內油房街在西門外鳳儀街在南門內豫章街常德街鹽街在南門外興隆街在北門內

白鳥巷俗名鹽店巷在縣署南青桐巷前青桐巷俗名豬市巷在白鳥巷後鶴鳴巷俗名馬家巷在縣署西碧秋巷前碧秋巷俗名邱家巷在鶴鳴巷後

### 集場

誠一里場在本城元阜里附城無場亨康里曰旗鼓寨場利正里曰上寨場毛壩場貞肅里曰猴栗堡場三堡嶺場孝原里曰革勒車場蘇家堡場東流司場悌恭里曰舊司場杉木塘場忠崇里曰觀音橋場信茂里曰大河壩場智樂里曰漫水場仁育里曰安撫司場小均場  
來鳳縣志 卷之七 建置志 街巷集場 七  
勇敬里曰百戶司場

### 倉儲

常平倉 在縣署西

乾隆四年建倉兩座六廩共儲穀一千五百石三十二年收捐監穀一百八十三石六斗四十一二年增二千三百一十六石四斗六十年湖南苗逆滋事奉文全數碾米運供軍需無存知縣朱公鳴鳳於嘉慶八年十一年兩次買補足額咸豐十一年髮逆竄陷縣城概被焚燬

社倉

乾隆四五六等年設倉九處一在縣署西其餘八處分設各里初儲穀一千石零二升八合五勺共積穀二千六百石嘉慶丙辰白匪之變蕩然無存咸豐九年知縣王公頌三督同邑紳張光杰張瑛全福覃述祥等勸捐社穀一千六百三十八石六斗四分儲十二里咸豐十一年髮逆之亂賊匪劫燬及兵勇就食蕩然無存嗣以亂後民氣未復未經捐補